



Javna ustanova Dječije obdanište  
„KOLIBRI“  
G r a d a č a c

---

*Hadžiefendijina bb; Tel: 035/821 – 410, 821-411, e-mail: obdaniste.kolibri@bih.net.ba; ID: 4209423980002 Unicredit bank :3383002250760665*

# IZVJEŠTAJ O RADU

## za 2019/20 pedagošku godinu

septembar, 2020.godina

## a) UVOD

Javna ustanova Dječije obdanište „Kolibri „ Gradačac obavlja djelatnost iz djelokruga rada predškolskog odgoja i obrazovanja po Nastavnom planu i programu odgojno - obrazovnog rada „Cjeloviti razvojni program predškolskog odgoja i obrazovanja“ (2010.godina ) u skladu sa naučnim dostignućima, kako bi najmlađoj populaciji osigurali sve uslove za optimalni tjelesni, intelektualni, emocionalni i socijalni razvoj.

Najvažnija uloga predškolskog odgoja obrazovanja je da se kroz kvalitetno pažljivo praćenje svakog djeteta odgovori na njegove razvojne potrebe i tendencije, međudejstvom obitelji i instituciji, u dobro struktuiranim uvjetima socijalnog i materijalnog okruženja i osnaži dijete da se razvije do svojih optimalnih nivoa, poštujući prirodu cjelovitog učenja i razvoja.

Pri tome, odgajanje treba shvatiti kao širok pojam, kroz koji se isprepliću njega, zaštita, odgoj i obrazovanje.

Prvi smo stupanj obrazovanja na koji se nadovezuje osnovno obrazovanje. Za sve uzraste djece od jedne do šest godina života imamo raznovrsne programe njege, zdravstvene zaštite i odgojno – obrazovnog rada.

Djelatnost Ustanove temelji se na Zakonu o predškolskom odgoju i obrazovanju ( Službene novine Tuzlanskog kantona broj 12/09,08/11 i 10/13), Pedagoškim Standardima i Normativima za predškolski odgoj i obrazovanje i Pravilnika o sadržaju i načinu vođenja pedagoške dokumentacije i evidencije.

Sukladno općim humanističkim i demokratskim težnjama razvoja društva, djeca predškolskog uzrasta imaju pravo na obrazovanje i ravnopravno uključivanje u svakodnevni život zajednice.

Društvo ima odgovornost da stvara veće povjerenje u moć ranog djetinjstva i značaj ranog učenja u razvijajuće kapacitete, javnog i privatnog sektora, za rano obrazovanje unutar jedinstvenog sistema odgoja i obrazovanja.

Dakle, u predškolskoj dobi stvaraju se temelji koji će se godinama nadograđivati i usavršavati, imajući u vidu mogućnosti djece predškolske dobi da brže usvajaju vještine i navike iz neposredne okoline. Stoga se propusti koji se učine u najranijem razvoju djeteta mogu samo donekle ublažiti, ali se ne mogu nikako nadoknaditi u kasnijim godinama života.

Prema mišljenju većeg dijela stručnjaka pedagoških i psiholoških znanosti u svijetu 90% ličnosti svakog djeteta izgrađuje se do pet godina života, sve ostalo je dogradnja. Baš zbog toga u zemljama zapadne Evrope ova oblast je u kategoriji velikih društvenih prioriteta. Obuhvat djece predškolskim odgojem i obrazovanjem u ovim zemljama kreće se **od 40 – 100 %** a kod nas prema procjenama Federalnog zavoda za statistiku BiH procent obuhvata djece predškolskim odgojem i obrazovanjem značajno varira **od 5 – 10 %** i time zauzima najniže mjesto na ljestvici prezentiranih zemalja.

## b) POSLOVANJE

### I RASPOLOŽIVI KAPACITETI I POPUNJENOST

Ukupna površina centralnog objekta iznosi 800 m<sup>2</sup>, a u pedagoškoj 2019/20 godini Ustanova je imala 8 odgojnih grupa u centralnom objektu.

Osim centralnog objekta tokom ove pedagoške godine korišten je i iznajmljeni prostor u Ulici Reufa Huseinagića, površine 64 m<sup>2</sup>, a za potrebe formiranja odgojne grupe produženog boravka, tako da je ukupan broj odgojnih grupa bio 9.

Sve prostorije su dovedene u funkciju i služe svojoj svrsi. Zaposlenici ove Ustanove takođe su uložili velike napore oko stvaranja boljih radnih i smještajnih uslova za djecu. Objekti u kojima smo smješteni starosti su od 40 do 100 godina.

Kada je riječ o popunjenosti kapaciteta, potrebno je naglasiti da su naši sadašnji ukupni kapaciteti prema važećim Standardima i normativima maksimalno 8 odgojnih grupa ili oko 200 djece.

Predviđeni program po svim odgojno – obrazovnim grupama je u cjelosti realizovan. Osim toga, Agencija Big Ben centar Tuzla je organizovano izvodila nastavu engleskog jezika za 110 djece - specijalizovani program.

Ustanova je u ovoj pedagoškoj godini imala upisano i 4 djece sa poteškoćama u razvoju (1 cerebralna sa onemogućenim kretanjem bez pomagala, 1 lakša cerebralna sa otežanim kretanjem, 1 autističan spektar poremećaja i 1 Dawn )

Naše ambicije su povećati kapacitete, kako bi sva djeca predškolskog uzrasta sa područja Gradačca imala priliku pohađati predškolski odgoj, zbog čega stalno inoviramo programske sadržaje u odgojno-obrazovnom radu, te stvaramo kvalitetnije smještajne uslove u Ustanovi, dok organizaciju rada prilagođavamo potrebama naših korisnika.

Prosječno upisane djece je po mjesecima je **219** dok je prosjek dnevnih dolazaka oko **150**, a prethodne godine prosječan broj upisanih bio je **228** a prosječno je dolazilo dnevno **149** djece.

**Napomena:** Prosjek broja djece ne uključuje april kad se nije radilo, dok je od 18. maja do 01. juna maksimalan broj djece u grupi bio po 9, a po instrukcijama FZZJZ.

#### USPOREDBA BROJA UPISANE DJECE U USTANOVU PO MJESECIMA


	God.	IX	X	XI	XII	I	II	III	IV	V	VI	VII	VIII	Prosjek
<b>1.</b>	17/18	213	211	208	211	211	212	221	219	220	212	191	185	<b>209</b>
<b>2.</b>	18/19	237	240	233	231	229	230	239	247	242	250	186	178	<b>228</b>
<b>3.</b>	19/20	263	264	257	260	260	257	259		74	175	187	162	<b>220</b>
<b>4.</b>	3/2	+26	+24	+24	+29	+31	+27	+18		-168	-75	-1	-16	<b>-9</b>

Trendovi rasta broja upisane djece u Ustanovu su bili na nivou oko 10% u odnosu na prethodnu godinu, sve do mjeseca marta i proglašenja stanja prirodne nesreće, izazvane pandemijom Corona virusa.

Od 12.marta , kada je prekinut rad ustanove pa do kraja izvještajnog perioda bilježe se lošiji rezultati rada Ustanove, i kad je u pitanju broj upisane djece , ali i broj dnevnih dolazaka.

Od aprila do sredine maja, do povratka djece u Ustanovu sa maksimalno 9 djece u odgojnoj grupi, organizovan je rad sa roditeljima i djecom putem društvenih mreža (FB, Viber, Mesenger) dostavljanjem materijala i uputstava roditeljima za rad sa djecom.

### Razlika u prosječnom broju djece koja su dolazila u obdanište po mjesecima



U toku pedagoške 2018/19 godine broj dnevnih dolazaka je ukupno 40.8895 ili 3.407 mjesečno tj. 164 dolazaka dnevno, dok je u ovoj 2019/20 godini taj broj iznosio 34.126 ili 2.843 mjesečno tj 150 dolazaka dnevno u prosjeku.

Ovaj broj se odnosi na sve mjesece , uključujući i period od 13.marta , kada smo obustavili rad, do 18.maja kada smo anstavili s radom, ali uz maksimalno 9 djece u grupi do 01.juna.


Bez ova 2 mjeseca, koje nismo radili, prosječan broj dnevnih dolazaka je 180, što je povećanje u odnosu na prethodnu godinu od 10 %.

Finasijski Izvještaji se redovno dostavljaju nadležnim institucijama a pregled osnovnih stavki je:

#### PREGLED IZVODA IZ FINANSIJSKIH IZVJEŠTAJA ZADNJIH 7 GODINA

Izvještajna god.	<b>Prihodi</b>	Vlastiti prihodi	Budžet općine	Drugi prihodi	<b>Rashodi</b>	Plate i naknade	Materijal i usluge /kapitalna	<b>Razlika prihodi-rashodi</b>
2013.	<b>373.971</b>	125.739	237.720	10.512	<b>370.761</b>	333.938	36.573	+ <b>3.210</b>
2014.	<b>409.376</b>	147.080	240.695	21.601	<b>391.870</b>	299.364	92.506	+ <b>17.506</b>
2015.	<b>497.588</b>	193.153	290.727	13.708	<b>452.015</b>	353.398	98.617	+ <b>45.573</b>
2016.	<b>503.142</b>	251.292	249.144	2.706	<b>502.294</b>	384.064	118.230	+ <b>848</b>
2017.	<b>624.217</b>	287.833	313.430	22.954	<b>614.543</b>	478.068	135.475	+ <b>9.674</b>
2018.	<b>682.480</b>	321.017	323.520	37.943	<b>668.357</b>	541.114	127.243	+ <b>14.123</b>
2019.	<b>798.435</b>	354.179	382.100	62.156	<b>848.099</b>	658.092	115.145 /74.862	<b>-49.664</b>

#### Grafički pregled ostvarenih prihoda po osnovu uplate roditelja za boravak djece u obdaništu



*Po osnovu uplata roditelja toku pedagoške 2017/18 godine ostvareni prihod je bio 289.350 KM, dok je u 2018/19 taj iznos bio preko 340.000 KM, a u izvještajnom periodu taj prihod je iznosio 308.964 što je rezultat obustave rada tokom mjeseca marta, aprila i maja.*

*U prvih 6 mjeseci pedagoške 2019-20 prihodi od roditelja su iznosili 201.403 KM i bili su veći za 25.467 KM od istog perioda prošle godine ili povećanje od 14,5%.*

*Od marta do kraja pedagoške godine prihodi su na nivou narednih 6 mjeseci bili 107.561 KM što je za 58.771 KM manje nego prethodne godine, što u konačnici daje smanjenje prihoda od roditelja na nivou godine od 33.304 KM ili nekih 10% u odnosu na prethodnu godine, što je direktni uticaj pandemije na poslovni rezultat ustanove.*

*Inače proicirani i realni prihodi po ovom osnovu su , a što pokazuju i trendovi od 14,5% povećanja u prvih 6 mjeseci pedagoške godine, su trebali biti na 390.000 KM, tako da je realan pad prihoda od vlastite djelatnosti ustanove ustvari veći od 80.000 KM.*

*U izyještajnom periodu realizovana je 1.faza dogradnje obdaništa na način da je izgrađeno 96 m<sup>2</sup> objekta, koji se koriste kao ulazni hol /sala za tjelesni , a privremeno do završetka 2.faze kada ćemo izgraditi još 3 radne sobe, jedan dio novoizgrađenog prostora se koristi i kao radna soba.*

*Sredstva za dogradnju su obezbijedena od strane Ministarstva obrazovanja i nauke TK i to 30.000 KM i sredstva Ustanove iz razlike prihoda nad rashodima iz prethodnih godina.*

*Ustanova je likvidna, nema neplaćenih obaveza , kako prema radnicima tako i prema dobavljačima i državi.*

## REALIZACIJA OBAVEZNOG PROGRAMA PREDŠKOLSKOG ODGOJA I OBRAZOVANJA U GODINI PRED POLAZAK U ŠKOLU

Obavezan program predškolskog odgoja i obrazovanja nije realizovan zbog obustave rada škola uzrokovane pandemijom covid 19.

## II ZAPOSLENI

U skladu sa potrebama i normativnim aktima Ustanova ima angažovan odgovarajući stručni kadar za različite vrste poslova.

Poslove osnovne djelatnosti obavljaju stručna lica različitih profila obrazovanja ( predškolskog odgoja, pedagogije-psihologije, specijalne pedagogije, medicine).

Sva radna mjesta su popunjena uposlenicima odgovarajuće stručne spreme:

RED. BR.	RADNO MJESTO	NK	PK	KV	SSS	VŠS	VSS	BROJ ZAPOSLENIH
1.	Direktor						1	1
2.	Odgajatelj					1	13	14
3.	Njegovatelj				3			3
4.	Ekonom-admin.				2			2
5.	Domar-ložač			1				1
6.	Kuhar			1				1
7.	Servirka			2				2
8.	Spremačica	3						3
9.	Pedagog-psihol.						1	1
10.	Prof.raz.nastave						3	3
11.	Asistent				1			1
<b>BROJ ZAPOSLENIH:</b>		<b>3</b>		<b>4</b>	<b>6</b>	<b>1</b>	<b>16</b>	<b>32</b>

Ukupno je radno angažovano 32 radnika, od kojih je 1 bio kao asistent angažovan zahvaljujući projektu MOiN F BiH.

Nadamo se da će u narednom periodu biti riješeno finansiranje za angažman edukatora-rehabilitatora, jer smo svoja vrata u skladu sa slovom Zakona ali i u duhu suvremenih trendova širom otvorili za svu djecu, pa i onu sa posebnim potrebama, koja iziskuju individualni rad.

4 djece sa posebnim potrebama je boravilo u našoj ustanovi i sa njima je individualno rađeno a ustanova nema zaposlenog edukatora-rehabilitatora, već angažujemo volontere.

Konstantno prihvatamo volontere i pripravnike u skladu sa povećanim potrebama Ustanove, a u izvještajnom periodu smo imali pripravnika 6 i to: 1 profesor predškolskog odgoja, 3 edukatora-rehabilitatora, 1 socijalni radnik i 1 pravnik.

Svi pripravnici su angažovani po projektima službe za zapošljavanje koja finansira djelimično njihov radni angažman, tako da ustanova djelimično ima trošak ali je efekat višestruko veći.

Također je u izvještajnom periodu jedna spremačica iz akategorije nezaposlenih žena starosti preko 45 godina, angažovana po projektu sa SZZ TK.

Sve značajne praznike i datume obilježavali smo u svojim prostorijama prigodnim programom, do izbijanja pandemije.

Ove godine otkazana je završna manifestacija u povodu Dana ustanove, koja se tradicionalno održava početkom juna, ali smo naše „male maturante“, dostojno ispratili iz Ustanove u skladu sa epidemiološkim mjerama.

### III PLATE I NAKNADE

Isplata plata i naknada vrši se u skladu sa Pravilnikom o unutrašnjoj organizaciji i načinu rada, na koji je data saglasnost osnivača. Tim Pravilnikom je predviđeno da se obračun plata vrši na osnovu VI platnih razreda, u zavisnosti od složenosti poslova i stručne spreme.

Platni razred	I	II	III	IV	V	VI
Koeficijent	4,50	3,55	3,20	2,85	1,90	1,80

Osnovica za obračun plate je na nivou Grada utvrđena u iznosu od 330 KM.

### USPOREDBA NAJVIŠE, NAJNIŽE I PROSJEČNE PLATE U USTANOVU

GODINA	NAJVIŠA PLATA	NAJNIŽA PLATA	PROSJEK PLATA
2013/14	1.749,25	655,83	964,58
2014/15	1.634,66	560,10	933,50
2015/16	1.672,20	562,75	919,00
2016/17	1.626,60	533,01	923,94
2017/18	1.687,00	558,00	1015,72
2018/19	1.802,00	594,00	1063,66
2019/20	1.661,50	594,00	1003,21

Osim plata radnicima se isplaćuju i druge naknade u skladu sa Pravilnikom : topli obrok u visini 8 KM po radnom danu.

Regres u visini 50 % prosječne plate isplaćene u Federaciji BiH u prethodna 3 mjeseca (450,00 KM), nije isplaćen u cjelosti, već samo dio 250 KM a ostatak kad se steknu uslovi.

#### **IV RAD UPRAVNOG ODBORA**

U izvještajnom periodu održano je ukupno 5 sjednica. U ovom periodu UO je između ostalog razmatrao i usvojio:

- Izvještaj o radu za 2018/19 godinu,
- Program rada Ustanove za 2019/20
- Program rada direktora i Stručnog vijeća ,
- Informaciju o upisu djece u Ustanovu,
- Izmijene Pravilnika o unutrašnjoj organizaciji i načinu rada,
- Odluku u prijemu pripravnika, volontera i uposlenika,
- Finansijski plan Ustanove za 2020.godinu,
- Plan Javnih nabavki za 2020.godinu
- Finansijski izvještaj za 2019.godinu,
- Konkurs za prijem zaposlenika,
- Odluku o visini naknade za vjerske praznike i visini regresa,
- Odluku o investicijom ulaganju
- Razmatrao i druga pitanja iz nadležnosti UO

#### **V RAD STRUČNOG VIJEĆA**

Stručno vijeće je stručno tijelo koje se formira na osnovu člana 60. Zakona o predškolskom odgoju i obrazovanju TK, a čine ga svi stručni zaposlenici Ustanove.

U pedagoškoj 2019/20 stručno vijeće je održalo 4 sjednice i na njima je razmatralo pitanja koja su u njegovoj nadležnosti a nabrojana su u članu 60. Zakona :

1. Program rada i Izvještaj o radu Ustanove
2. Godišnji program Stručnog vijeća
3. Program stručnog usavršavanja uposlenika za pedagošku 2019/20,
4. Plan održavanja ogleđno – uglednih aktivnosti,
6. Imenovanje mentora pripravniciima,
7. Imenovanje komisija i razmatranje izvještaja o radu istih,
8. Druga pitanja iz djelokruga rada Ustanove.



## VI RAD VIJEĆA RODITELJA

Roditelji djece uključene u Ustanovu imaju pravo formirati Vijeće roditelja, a Ustanova je dužna da im pomogne pri formiranju vijeća. (član 73. Zakona)

U ovoj pedagoškoj godini Vijeće roditelja je funkcioniralo u svom punom kapacitetu sa po jednim članom iz svake odgojne grupe.

Vijeće je razmatralo sljedeća pitanja :

- Jelovnici, davane sugestije za izmjene istih,
- Analizirana bezbjednost dolaska i odlaska djece,
- Razmatarana informacija o stanju u odgojnim grupama,
- Druga pitanja iz nadležnosti Vijeća

### c) ZAKLJUČNE NAPOMENE

Protekla pedagoška 2019/20 godina imala je 2 potpuno različita dijela.

U prvom dijelu pedagoške godine (period septembar 2019.- mart 2020.) nastavljeni su pozitivni trendovi, stavljena je u funkciju novoizgrađena sala/hol sa jednom učionicom, upisan je najveći broj djece u povijesti ustanove, formiran najveći broj odgojnih grupa, povećani prihodi.

Međutim, pojavom pandemije Corona virusa, situacija se dramatično mijenja. Ustanova biva zatvorena na dva mjeseca, pokreće se rad u specifičnim uvjetima , koji nešto izmijenjeni i do kraja izvještajnog perioda traju.

Padaju svi parametri od broja djece, uposlenika do finansijskih efekata.

Prije nastavka rada svi uposlenici su testirani na Corna virus i imali su negativne nalaze, međutim , tokom mjeseca avgusta kod 2 odgajatelja i jednog pripravnika je ponovljenim testiranjem dobijen pozitivan nalaz, nakon kojeg su isti upućeni na kućno liječenje i njihova klinička slika je bila blaža.

Sva djeca iz te odgojne grupe su testirana i svi su nalazi bili negativni, ali su djeca rješenjem sanitarnog inspektora upućena na kućnu izolaciju, a također su i svi preostali odgajatelji i spremačice ponovo testirani i svi su bili negativni.

Ipak i ova godina se može smatrati uspješnom, a sigurno bi rezultati bili još bolji da nije globalne pandemije Corona virusa.

broj: \_\_\_\_\_

datum: \_\_\_\_\_

PREDSJEDNIK UO

\_\_\_\_\_  
Asim Hodžić